

Script of Evening Gojri News Bulletin 15 July 2024 at 1700 Hrs

ایوننگ گو جری نیوز بلیٹن مورخہ 15 جولائی 2024

یوہ آکا شوانی جموں بے ظفر اقبال تے عبدالمجید تیں خبر سنو۔ پہلاں خاص خاص خبر۔

- *1. داخلہ امور گامرکزی وزیر مملکت نتیا نند رائے نے ضلع اننت ناگ مانہ 3 بہراں بعد اوما بھگوتی مندر نانہ عقیدت منداں واسطے دوبارہ کھولن تیں بعد کہیو جے سرکار جموں کشمیر غی ترقی واسطے وعدہ بند ہے۔
- *2. سلامتی دستاں نے جموں، ڈوڈہ تے ریاسی ضلعان مانہ تلاشی کا روائی چلائیں ہیں۔
- *3. پارلیمانی تے اقلیتی امور غا مرکزی وزیر کرن راجی جو نے دراس مانہ کرگل شہیدی یادگار ور اوپریشن وجئے غا بہا در فوجیاں نانہ خراج عقیدت پیش کی۔
- *4. تے ملک مانہ خرد فروشی افراط زر مانہ جون مانہ لگاتار چوتھے مہینے 3.36 فیصدی غو اضافو ہووے۔

خبران غی تفصیل نال پہلاں ظفر اقبال۔

Temple Kashmir

جنوبی کشمیر غا اننت ناگ ضلع مانہ 34 بہراں تیں بعد اوما بھگوتی غا قدیم مندر نانہ عقیدت منداں واسطے کھولیو گیو ہے۔ داخلہ امور غا مرکزی وزیر مملکت نتیا نند رائے نے ضلع غا شانگس علاقہ مانہ براری آنگن مانہ یوہ مندر عقیدت منداں واسطے کھولیو۔ اس موقع ور ہزاراں غی تعداد مانہ جموں کشمیر تیں عقیدت مند جن مانہ زیادہ تعداد کشمیری پنڈتاں غی تھی ات موجو دتھا۔ راجستھان تیں آئی وی اوما بھگوتی غی مو رتی ات رکھی گئی ہے۔ ات بولتاں واں وزیر مملکت نے کہیو جے امید ہے جے ات خاصی تعداد مانہ عقیدت مند آویں گا تے سرکار جموں کشمیر غی ترقی واسطے وعدہ بند ہے۔ یوہ مندر برہما کُنڈ، وشنو کُنڈ، رُدر کُنڈ تے سیو شکتی کُنڈ غے درمیان مانہ واقع ہے۔ ات وزیر مملکت نال ڈی سی اننت ناگ سید فخر الدین حامد، ایس ایس پی جی وی سنڈیپ چکرورتی تے انتظامیہ غا دوجا عہدیدار موجو دتھا۔

CASO Jammu

حفاظتی دستاں نے کجھ مشکوک نقل و حرکت با رے اطلاع ملن توں بعد ضلع جموں، ڈوڈہ تے ریاسی مانہ تلاشی کا روائی شروع کی ہے۔ ذرائع غے مطابق پولیس تے سی آر پی ایف نے اک سانجھی کاروائی کرن غے دوران ضلع جموں غا لوور گروٹھ، تھاتھی تے اکھنور سیکٹر غا علاقہ مانہ تلاشی کا روائی شروع کی ہے۔ قابل ذکر ہے جے ات گا مقامی نے 3 مشکوک افراد غی نقل و حرکت کرن غی جانکاری فراہم کی تھی۔ یاد رہے جے تلاشی کا روائی غے دوران کوئی وی مشکوک چیز نہیں لہی تے یاہ تلاشی کا روائی تقریباً 2 گھنٹاں توں وی زیادہ چلی۔ ضلع ڈوڈہ کوٹی جنگلات علاقہ مانہ وی کجھ دہشت گرداں غی اطلاع ملن توں بعد فوج تے پولیس نے سویرے 9 بجے 30 منٹ ور اک سانجھی تلاشی کا روائی شروع کی جہیڑی اجاں وی جاری ہے۔ ذرائع نے دسیو ہے جے حفاظتی دستاں نے ضلع ریاسی گا رُنیل نالہ کوٹھیاں، پونی، کُنڈراں ڈیرہ تے کانجلی علاقہ مانہ وی تلاشی کا روائی شروع کی ہے۔ قابل ذکر ہے جے جموں خطہ مانہ ہال ہی مانہ دہشت گردی گا معاملات بدھیا ہیں جن مانہ پونچھ، راجوری، ڈوڈہ تے ریاسی شامل ہیں۔

Mortar Shells

ضلع اڈھم پور مانہہ اج پولیس نے اک پُرانو مورٹار شِل برآمد کیو ہے۔ ذرائع غے مطابق پولیس نانہہ میان باغ علاقہ غا مقامی لوکان غی طرفوں اطلاع موصول ہوئی تے اس تیں بعد پولیس نے جا غے اس مورٹار شِل نانہہ برآمد کرلیو۔ اڈھمپور پولیس تھانہ غا ایس ایچ او انسپکٹر رگھوبیر سنگھ نے بم ناکارہ بنان آلا عملہ غے ہمراہ موقع ور پُج غے پُرانا مورٹار شِل نانہہ دوسری جگہ منتقل کر غے تباہ کر دتو۔

Rijju Tribute

مرکزی وزیر کرن رچی جو نے گذشتہ کل لداخ دراس مانہہ کرگل جنگ غا آپریشن وجے مانہہ بھارتی فوج غا شہید ہوا جوانان غی جنگی یادگار ور حاضری دے غے اُن نانہہ زبردست خراج عقیدت پیش کیو۔ اُن غا اس دورہ غو مقصد بھارتی فوجی جوانان غی سال 1999 مانہہ کرگل جنگ مانہہ ہوئی شہادتان نانہہ یاد کر غے اُن نانہہ خراج عقیدت پیش کرنوتھو۔ اپنا اس دورہ غے دوران جناب رچی جو نے فوج غا عہدیداران سنگ وی ملاقات کی تے اُن نانہہ ملک واسطے زبردست طریقہ سنگ کم کرن واسطے حوصلہ افزائی کی۔

Sampoorna Abhiyaan Ramban

مال چوکھر محکمہ غو بنیادی مقصد مال چوکھر غی صحت خراب ہون غی صورت مانہہ بہتر علاج غی سہولت مہیا کرانو ہووے تانجے کسان مال چوکھر تیں زیادہ تیں زیادہ فائدو حاصل کر سکیں۔ ضلع رام بن غی کھڑی بلاک غی وارڈ نمبر 5 گڈجی مانگتھ مانہہ اج سمپورنٹا ابھیان غے تحت بلاک پروگرام غو انعقاد کیو گیو۔ آکا شوانی غا ضلع نامہ نگار نال گل کرتاں وان رام بن غا چیف اینمل ہسپنڈری افسر ڈاکٹر سنیل کا ووسا نے اس طرح کہیو۔۔۔ بانٹ۔۔

RBVP Udhampur

نوجوانان غا پٹر غا عالمی تہاڑا نانہہ یاد کرتاں وان پی ایم شری اسکول جواہر نویدیا ویدالیہ اڈھم پور مانہہ 2 روزہ روشنریہ ہال ویگیا نیک پرادرشنی یعنی نمائش غو انعقاد کیو گیو۔ اس نمائش مانہہ جموں صوبہ غا 10 نویدیہ ویدالیہ غا 50 طالب علمان اُن غا نواں سائنسی خیالات ماڈل غی شکل مانہہ پیش کر رہیا ہیں۔ مہارا ضلع نامہ نگار اچن دوبے نال گل کرتاں وان ڈائریکٹر سی ایس آئی آر، بھارتی ادارہ برائے مربوط طب جموں کشمیر یوٹی ڈاکٹر ڈبیر احمد نے کہیو۔۔۔ بانٹ۔۔ پرنسپل اجیت پرتاپ سنگھ نے ات بولتاں وان اس طرح کہیو۔۔۔ بانٹ۔۔ اس نمائش مانہہ طالب علمان نے اس موقع ور بولتاں وان دسیو۔۔۔ بانٹ۔۔

یہ خبر تم آکا شوای جموں تیں سن رہیا ہیں خبران غا باقی حصہ نال عبدالمجید۔

WPI Inflation

ملک مانہہ کھان پین غی چیزان خصوصی طور ور سبزیاں تے تیار کردہ چیزان غی قیمتان مانہہ اضافہ نال تھوک فروشی افراط زر مانہہ لگاتار چوتھے مہینے 3.36 فیصد غو اضافو ہووے ہے۔ تھوک قیمتان بارے فہرست ڈبلیو پی آئی غے مطابق مئی مہینہ مانہہ افراط زر 2.61 فیصد تھی۔ جد کہ یاه جون 2023 مانہہ منفی 4.18 فیصد تھی۔ اعدادو شمار

غے مطابق جون مانہ کھان پین غی چیزاں مانہ افراط زر 10.87 فیصد ربی جہیڑی مئی مہینہ مانہ اس غے برعکس 9.82 فیصد تھی۔ سبزییاں مانہ افراط زر جون مہینہ گے دوران 38.76 فیصد تھی جد کہ مئی مہینہ مانہ یاہ 32.42 فیصد تھی۔ جائزہ غے مطابق ٹماٹراں غی قیمت مانہ افراط زر جون مانہ 66.37 فیصدی تے پیاز مانہ 93.35 فیصدی تھی۔ دالاں غی افراط زر جون مانہ 21.64 فیصدی، ایندھن غی 1.03 فیصد، تیاری کی وی چیزاں غے مطابق خردہ فروشی افراط زر پچھلا 4 مہیناں مانہ سب تیں زیادہ 5.1 فیصد تچ بدھی۔

Misiri Foreign Secretary

وکر مِسرِی نے اج خارجه سیکریٹری غو عہدو سنبھال لیو ہے۔ یا درہ جے ونے موہن کو اترہ غیخارجہ سیکریٹری غا عہدہ غی مدت بیتے کل ختم ہو گئی تھی۔ جناب مسری 1989 بیچ غا آئی ایف ایس افسر ہیں تے نیشنل سکیورٹی کونسل سیکریٹریٹ مانہ ڈپٹی نیشنل سکیورٹی آڈوانزر چین، میانمار تے سپین مانہ بھارتی سفیر غے طور ور خدمات دے چکا ہیں۔ جناب مسری 3 وزیر اعظماں 1997 مانہ اندرکمار گُجراں، 2012 مانہ منموہن سنگھ تے 2014 مانہ نریندرمو دی غا پرائیوٹ سیکریٹری غے طور خدمات دے چکا ہیں۔

Foreign Minister

جولائی غا پہلا نصف مانہ غیر ملکی سرمایہ کاراں نے تقریباً 24 ہزار کروڑ روپیہ بھارتی سرمایہ بازاراں مانہ کھلیا ہیں۔ جمع کران آلاں غا اعدادو شمار غے مطابق غیر ملکی سرمایہ کاراں نے اکوٹیز یعنی مالیت مانہ 15 ہزار 3 سو 52 کروڑ روپیہ خرچ کیا ہیں جد کہ 8 ہزار 4 سو 84 کروڑ روپیہ ڈیبٹ اور غی سرمایہ کاری کی ہے۔ جس مانہ 12 جولائی تک بھارت کیپیٹل مارکیٹ مانہ خالص سرمایہ کاری 23 ہزار 8 سو 36 کروڑ روپیہ تک پُچ گئی۔ جون مہینہ مانہ 26 ہزار 5 سو 65 کروڑ روپیاں توں متی رقم نے اس سال اجاں تک غو کُل قرضو غیر ملکی سرمایہ کاری غے ذریعے آيو ہے۔ مجموعی طور ور اس ویلے تک بازاراں مانہ 77 ہزار 1 سو 9 کروڑ جد کہ اکوٹی بازاراں مانہ 15 ہزار 3 سو 52 کروڑ روپیہ غی سرمایہ کاری ہوئی ہے۔

Digital Payment

بھارت غی خردہ فروشی ڈیجیٹل آدانیگی 2030 تک 7 کھرب تیں ڈگنی ہون غی امید ہے۔ کیرینی تے ایمازن پے غا سانجھا مطالعہ غے مطابق بھارت غی خردہ فروشی لین دین واسطے ڈیجیٹل آدانیگی جہیڑی مالی سال 2017/18 مانہ 3 سو بلین ارب ڈالر تھی واہ مالی سال 2023/24 غے 3.6 کھرب ڈالر تک بدھ گئی ہے۔

UPI Transaction

"How Urban Inida pays"

ناں غا مطالعہ غے مطابق بھارت مانہ ٹرانزکشنز مانہ یو پی آئی لین دین 11 اپریل 2016 مانہ متعارف کیو کیوتھو۔ مالی سال 2018 توں 2024 تک یو پی آئی آدانیگی سطر مانہ 138 فیصدی غو بابدو دیکھیو گیو ہے۔ رپورٹ مانہ یوہ وی دسیو گیو ہے جے بھارتی غی ڈیجیٹل تجارت بازار سال 2022 مانہ 75 ارب ڈالر تیں 80 ارب ڈالر تھی۔ اس مانہ 2030 تک 2 فیصد اضافہ غی امید ہے۔

Kishtwar Haat

ضلع انتظامیہ کشتواڑ نے کشتواڑ قصبہ نانہہ سیاحت غو مرکز بنان واسطے کشتواڑ ہاٹ نامی مہم شروع کی ہے۔ مہارا ضلع نامہ نگار کیلاش ناتھ غے مطابق ضلع ترقیاتی کمشنر ڈاکٹر دیوانش یا دو غی زیر نگرانی مانہہ ضلع کشتواڑ نانہہ ترقی یا فتنہ بنان غی خاطر کشتواڑ ہاٹ گو افتتاح کیو۔ جت ہر قسم غی سہولیات دستیاب ویں گی۔ قابل ذکر ہے جے اس کشتواڑ ہاٹ غا افتتاح توں بعد ضلع مانہہ آن آلا سیلانی تے یا تری مستفید ویں گا۔ لوکاں نے کشتواڑ ہاٹ مانہہ ہر قسم غی سہولت دیکھ غے زبردست خوشی ظاہر کی۔

اس غے نال ہی خبراں غو یوہ بلیٹن ختم بوؤ۔